

中南軍政委員會
民族事務委員會
材料字第 55 號

資興縣志

書田珍藏

書田珍藏

資興縣志

興甯縣志卷之十五

署興甯縣知縣郭樹馨原修
興甯縣知縣劉錫九纂修

藝文志

自扶風班氏作史廣搜漢唐以來著書立言之
士臚陳姓名彙爲藝文一志遂爲後世郡邑藝
文志之祖興甯居楚上游承郴嶺清淑之氣賢
哲挺生代有著述其間有以文存者有以人存
者有以地與事存者雖吉光片羽蒐輯無多類
皆樹幟藝林堪以爭雄上國大張南楚者也備

載之異日輜車旁採亦足備一方掌故也志藝

文

藝文上

公移

議

公移

計二十七則

許豁無徵米

康熙六年

州守

葉臣遇

爲奏銷康熙四年錢糧事該本州知州某遵奉憲行
隨經嚴檄州屬宜章等縣確查詳覆去後據宜章縣
知縣匡蘭瑞回稱云云又據興甯縣知縣徐騰回稱
云云又據桂陽縣知縣黃應庚回稱云云又據桂東
縣知縣張希召回稱云云又據本州里遞曹王福等

具呈云云各等情該卑州查看得國家財賦原有一
定之數欺隱缺額者固當搜求虛款無徵者自宜開
豁况 朝廷軍需俱出民力使民力之殷富何妨議
興議加若民力之維艱尙須議蠲議免豈可加以額
外之徵重貽百姓之害茲邾屬倉米一案前奉駁查
卑州備查全書由單以起撥存畱之散數合丁條遼
餉之總數並無缺額此米實係裁充之重數無徵之
虛款再問之宜章等縣呼籲同情並無互異業經詳
覆仰荷督撫部院繕疏具題在案不意部駁有仍應
照數徵收及嚴查具題以憑再議之語卑州檄行各

縣並喚集本州里遞人等逐加諮詢今據各該縣及州屬士民俱稱此米實係裁除入餉所以全書款載而註裁充由單照額而不立款國初至今無異也揆厥所由明季設有衛所千百戶操守官軍原於屯糧雜項通融支給口糧初非地丁稅糧起科之正供又非起撥存留民賦之額款故自新朝鼎革官軍久經裁除成熟已充正賦全書由單一爲開除一不載入互對益明厯經院司內部磨核俱無遺漏况桡遭紅逆蹂躪傷殘最慘額載之戶口逃亡過半雖厯年撫綏而瘡痍未起愁苦萬狀由單正項尙罷勉之

不遑額外加徵實粉骨之難補卑州抵任伊始捧檄
張皇念此無徵之米裁除二十餘年而可驟加於一
且乎且國計民生相因並重額內者固毫不可減額
外者亦難於新增苟不計及於此而物力匱乏恐此
一方老稚將爲溝中之瘠矣卑州目擊困窮故敢不
避斧鉞爲民請命申乞憲臺俯察倉米久係裁除哀
黎實難重困恩賜題覆永豁徵收明德陰功衡高漢
永矣

又

巡道署
布政 李

失名

爲奏銷康熙四年錢糧事該本司查得衡郴二府州

明季時原有存倉米石支給各衛所官軍口糧之數自我朝定鼎以來堡哨衛所裁去官軍亦已汰除前項米石厯年輓運軍需繼而進剿西山民力以竭煢煢子遺實難再派且屢奉

皇恩軫念民生利病應行應革事宜陳奏俯將未派徵之項恩賜題達官民幸甚

題豁倉米疏

撫憲

周召南

題爲錢糧宜歸畫一等事該臣看得衡郴二屬於正賦之外舊有派給官軍班軍哨軍之口糧謂之曰本色米石此明季陋規也我朝自順治元年以來將

此項陋規盡行裁革歷來由單備載無徵不信甚久
忽於康熙四年奏銷數內蒙大部查徵此項米石查
衡郴二屬處萬山窮谷之中歷來正賦竭脂盡膏幾
費敲扑恐不能完突聞派徵久停額外米石呼籲環
懇臣見其顛連窮困之形色實有難於額外苛求者
前於欽奉 上諭案內已具特疏因奉示停止通政
司將本發回今查奉大部將康熙四五年湖南各府
州縣完賦紀敘一案槩行停止必候衡郴米石追完
然後議覆臣若强行衡郴二屬完此米石恐各官有
倖邀紀敘之心必且嚴行追敲窮民或勒虛報完亦

未可定臣思自順治元年以來迄今無徵之米一日
算入於康熙四五年奏銷考成之內民必惶懼且今
災傷窮困尙邀 國恩蠲豁賑濟况此從來無徵之
米仰祈 洪恩俯照順治元年以來無徵之例免徵
庶 殊恩得以普徧考成不致牽溷矣臣謹會同督
臣張合詞再題奉 旨這衡郴二屬官軍班軍哨
軍口糧據周召南奏稱係明季陋規自順治元年以
來盡行裁革戶部忽於康熙四年奏銷數內查徵此
項米石軍糧果否裁革賦役全書有無開載自順治
元年以來有無考成戶部詳察議奏

豁倉米覆疏

戶部題爲錢糧宜歸畫一等事該本部查得偏撫周
疏開衡屬米六千七百二十二石零郴屬米九千九
百二十四石零係明季陋規派給官軍班軍哨軍口
糧自順治元年以來此軍裁革並未派徵示信甚久
康熙四年奏銷數內查徵此項米石衡郴二屬處萬
山之中突聞派徵久停額外米石呼籲環訴請照順
治元年以來無徵之例免徵等因前來查衡郴米石
臣部先據該撫造送賦役全書內開原支官軍月糧
因官軍已裁此米亦裁故順治元年以來並未徵收

亦無考成後因康熙四年送部新定簡明賦役全書
開載前項米石官軍已經裁除催入充餉年終藩司
報銷故於奏銷案內行令催徵去後今該撫疏稱明
季陋規於地丁錢糧額外派給官軍口糧不在正賦
之內今此軍已裁米石係地丁額外所派應如該撫
所請免其派徵可也奉 旨依議

請豁粵引詳

康熙七年

州守

葉臣遇

爲賣鹽完稅久有定則越省派引貽禍無窮謹據詳
呼籲仰乞題豁以蘇郴屬第一民害事該本州知州
葉臣遇案查更定鹽法考成一案節奉上檄確查遵

卽嚴行復據州屬紳衿里民呈詞各縣會申在案該
卑州查看得事之創舉而有益於民者尙須擬議况
事之越例而重害於民者豈可橫加如粵東樂昌縣
妄加郴州永興興甯宜章等州縣分認引目一案實
係從無定例突然扳扯將令民不聊生官陷考成勢
有難行情所不服所以厯任各官甯受參罰而必不
肯認厯來小民止有哀號而必不肯從緣郴屬之民
厯食粵東之鹽皆在樂昌縣西河等埠挑運楚民食
鹽粵商銷引此鹽政不易之定例亦商民世守之成
規也卽順治十七年廣東巡鹽張按院題爲特陳鹽

餉等事一疏內開如韶州府鹽引四千二百道應行於樂昌以及湖廣郴州等處銷售等語並無楚民招商領引之議况郴屬百姓自遭兵燹死亡之後大戶無積十金之家烟竈實鮮入口之齒地僻人稀又萬萬不能承此招商領引之重任乎自康熙元年六年屢屢通詳楚粵兩省院司在案今據永興等各該縣及本州士民查議請覆前來總以郴屬自古原食粵鹽從未分任引日在樂昌縣西河等埠乃數百年設定之舊址今商人居然貿易盈萬盈千無論楚民貧疲萬狀無力招商領引卽有其人豈能與該商強有

力者爭埠行鹽乎揆情度勢萬不能行所以郴屬州縣枉受參罰之咎究於國課無補分毫也再如當年四千二百道之引不待楚民分認順治十八年亦卽照數全完今以海禁減餉爲例較昔減半又何慮引之難完乎昔以引多而獨認今引少而妄扳此中隱情深弊有不能爲樂昌之官商解者就衡永寶三府近奉改食淮鹽其兩淮額稅固係淮南商額辦卽粵東粵西兩省之課稅雜稅共銀七萬九千七百餘兩又係淮南商具呈認納則行鹽在楚之有司食鹽在楚之軍民完稅在該埠之鹽商更彰明較著矣矧粵省係

本商之額鹽復該縣之額餉奈何肆行刁勒必強派之食鹽之州縣乎此不惟情理難堪實亦勢例難行者也今議廣商照舊領引賣鹽郴屬州縣承遞甘結力加盤禁淮鹽西鹽不許顆粒入境令小民盡就樂昌等埠搬運使粵商得利認銷楚官竭力巡禁各有責成鹽一普行引目自銷不必更張而商之引稅全完官之考成無累商不病而民不擾國賦足而欽案結矣况荷粵東撫院洞察情由咨移本省撫院有徑自題明之語是粵東撫院爲國愛民實無楚粵異視也哀懇始終生成迅賜題達准令郴民照舊遵食粵

東之鹽印捕各官嚴行西鹽淮鹽入境之禁粵商認引納稅訂正歷來章程裕課甦民誠再造之功德頂頌不朽矣

題裕粵引疏

撫憲

周召南

題爲鹽課確有定例混派實苦難堪謹據實詳明懇
籲題裕以甦民困事該臣看得衡郴兩屬之臨武桂
東等處十一州縣地連楚粵邊末在萬山溝凸之中
糧不滿數千丁不滿數百民皆鳩形鵠面鶉衣百結
窮困顛連之狀鄭圖難繪蓋山瘠地薄不通舟楫人
蠻俗鄙與苗獠處僅存其控制之名而已今粵東忽